

1997 nr. 61 26. maí**Lög um Nýsköpunarsjóð atvinnulífsins**

Tóku gildi 30. maí 1997. *Breytt með* l. 82/1998 (tóku gildi 1. okt. 1998), l. 84/1998 (tóku gildi 1. jan. 1999), l. 32/1999 (tóku gildi 30. mars 1999), l. 35/2000 (tóku gildi 26. maí 2000), l. 143/2002 (tóku gildi 30. des. 2002), l. 92/2004 (tóku gildi 2. júlí 2004), l. 129/2004 (tóku gildi 31. des. 2005), l. 53/2007 (tóku gildi 3. apríl 2007), l. 167/2007 (tóku gildi 1. jan. 2008), l. 87/2009 (tóku gildi 20. ágúst 2009), l. 126/2011 (tóku gildi 30. sept. 2011) og l. 130/2016 (tóku gildi 1. júlí 2017).

Ef í lögum þessum er getið um ráðherra eða ráðuneyti án þess að málefnavið sé tilgreint sérstaklega eða til þess vísað, er átt við **ferðamála-, iðnaðar- og nýsköpunarráðherra** eða **atvinnuvega- og nýsköpunarráðuneyti** sem fer með lög þessi.

I. kafli. Almenn ákvæði.**■ 1. gr.**

□ Nýsköpunarsjóður atvinnulífsins er sjálfstæð stofnun í eigu ríkisins. Yfirumsjón með sjóðnum er í höndum [ráðherra].¹⁾

□ Ríkissjóður ber ekki ábyrgð á skuldbindingum sjóðsins, sbr. þó II. kafla.

¹⁾ L. 126/2011, 241. gr.

■ 2. gr.

□ [Hlutverk Nýsköpunarsjóðs atvinnulífsins er að stuðla að uppbyggingu og vexti íslensks atvinnulífs með því að taka þátt í fjárfestingum í sprota- og nýsköpunarfyrirtækjum. Þá er sjóðnum heimilt að veita lán og ábyrgðir, eins og nánar er kveðið á um í lögum þessum. Í starfsemi sinni skal Nýsköpunarsjóður taka mið af stefnu Vísinda- og nýsköpunarráðs. Loks starfrækir sjóðurinn tryggingardeild útflutningslána skv. II. kafla.]¹⁾

□ Í starfsemi sinni er sjóðnum heimilt að leita samstarfs við aðra aðila á sviði áhættufjármögnunar.

¹⁾ L. 53/2007, 1. gr.

■ 3. gr.

□ . . .¹⁾

□ [Nýsköpunarsjóði atvinnulífsins]¹⁾ er heimilt að nýta sér afl atkvæða sinna í samræmi við hlutfjáreign sína.

¹⁾ L. 53/2007, 2. gr.

■ 4. gr.

□ [Halda skal ársfund Nýsköpunarsjóðs atvinnulífsins fyrir 31. maí ár hvert. Nánar skal kveðið á um ársfund í reglugerð.

□ [Ráðherra]¹⁾ skipar á ársfundi fimm menn í stjórn Nýsköpunarsjóðs atvinnulífsins til eins árs í senn. [Engan skal þó skipa oftar en fimm sinnum í stjórnina.]²⁾ [Stjórnin skal þannig skipuð: einn án tilnefningar, einn samkvæmt ábendingum samtaka atvinnufyrirtækja í iðnaði, einn eftir tilnefningu þess ráðherra er fer með málefni nýsköpunar og þróunar í sjávarútvegi, einn eftir tilnefningu sama ráðherra samkvæmt ábendingum samtaka atvinnufyrirtækja í sjávarútvegi og einn samkvæmt tilnefningu Alþýðusambands Íslands.]¹⁾ Stjórnin skiptir með sér verkum.

□ Ráðherra ákveður þóknun stjórnarmanna.]³⁾

¹⁾ L. 126/2011, 241. gr. ²⁾ L. 53/2007, 3. gr. ³⁾ L. 35/2000, 1. gr.

■ 5. gr.

□ Stjórn Nýsköpunarsjóðs atvinnulífsins hefur yfirumsjón með starfsemi hans í samræmi við lög þessi og reglugerðir. Verkefni stjórnar eru m.a. þessi:

1. Stefnunótun og gerð starfsreglna sem staðfestar skulu af ráðherra.

2. Ráðning framkvæmdastjóra.

3. Samþykkt rekstraráætlunar sem gerð skal fyrir fram, eitt ár í senn.

4. Ákvarðanir um lántöku og aðra fjáröflun til starfsemi sjóðsins.

5. [Ákvarðanir um þátttöku sjóðsins í fjárfestingum, veitingu lána og ábyrgða, auk ákvarðana um tryggingar og kjör.]¹⁾

6. Ávöxtun fjár.

□ [Um laun og önnur launakjör framkvæmdastjóra fer skv. 39. gr. a laga nr. 70/1996, um réttindi og skyldur starfsmanna ríkisins.]²⁾

□ [Stjórn Nýsköpunarsjóðs atvinnulífsins skal setja sér reglur um mat á fjárfestingartækifærum, auk umsókna um lán og ábyrgðir, sem ráðherra staðfestir.

□ Ákvarðanir Nýsköpunarsjóðs eru endanlegar á stjórn-sýslustigi.]¹⁾

¹⁾ L. 53/2007, 4. gr. ²⁾ L. 130/2016, 8. gr.

■ 6. gr.

□ Framkvæmdastjóri Nýsköpunarsjóðs fer með daglegan rekstur sjóðsins samkvæmt umboði sjóðstjórnar. [Stjórn sjóðsins getur veitt framkvæmdastjóra heimild til að taka ákvarðanir um fjárfestingar og veitingu lána og ábyrgða.]¹⁾

□ [Nýsköpunarsjóði er heimilt að semja við aðra aðila um tiltekena þjónustu honum til handa.]¹⁾

¹⁾ L. 53/2007, 5. gr.

■ 7. gr.

□ [Eigið fé Nýsköpunarsjóðs skal að lágmarki vera 3.000 millj. kr. Lágmarksfjárhæð þessi skal taka breytingum í samræmi við breytingar á vísitölu neysluverðs frá 1. janúar 2007. Eigið fé, sem ekki er bundið í verkefnum skv. 1. mgr. 2. gr., skal ávaxtað samkvæmt fjárfestingarstefnu sem mælt er fyrir um í reglugerð. Nýsköpunarsjóður skal semja við aðila, sem hefur leyfi til fjárvörslu lögum samkvæmt, um vörslu og ávöxtun eigin fjár sem ekki er bundið í verkefnum skv. 1. mgr. 2. gr. Stjórn Nýsköpunarsjóðs atvinnulífsins setur nánari reglur um fjárfestingarstefnu, sem ráðherra staðfestir.

□ Nú nær eigið fé ekki lágmarksfjárhæð skv. 1. mgr. og skal þá ávaxta eigið fé samkvæmt fjárfestingarstefnu þar til lágmarksfjárhæð skv. 1. mgr. er náð.]¹⁾

¹⁾ L. 53/2007, 6. gr. Eigið fé vörubrúnar- og markaðsdeildar Nýsköpunarsjóðs skal teljast hluti af eigin fé Nýsköpunarsjóðs skv. l. 53/2007, brbákv.

■ 8. gr.

□ Ráðstöfunarfé Nýsköpunarsjóðs atvinnulífsins er:

1. Arður af eigin fé sjóðsins.

2. Afborganir og vextir af útlánum sjóðsins.

3. Hlutfjáreign sjóðsins.

4. Aðrar tekjur.

□ [Nýsköpunarsjóði er heimilt að taka þátt í samlagssjóðum og samlagshlutfélagum sem stunda fjárfestingar í sprota- og nýsköpunarfyrirtækjum, enda nemi eignarhlutur Nýsköpunarsjóðs minna en 50%. Leita skal samþykkis . . .¹⁾ [Þess ráðherra er fer með málefni nýsköpunar og þróunar í sjávarútvegi]²⁾ fyrir þátttöku Nýsköpunarsjóðs í samlagssjóðum eða samlagshlutfélagum, sé hluta af söluandvirði Landssíma Íslands, sbr. lög nr. 133/2005, ráðstafað til að standa undir hlutfélagum Nýsköpunarsjóðs atvinnulífsins í slíkum sjóðum.

□ Þegar ekki er talið mögulegt að mati stjórnar Nýsköpunarsjóðs að taka þátt í verkefni með hlutfjárkaupum er sjóðnum heimilt að veita lán til nýsköpunar- og sprotafyrirtækja með breytirétti í hlutfé eða með kauprétti hlutfjár. Þá er Nýsköpunarsjóði heimilt að veita ábyrgðir til þeirra fyrirtækja sem sjóðurinn hefur þegar fjárfest í eða veitt lán, enda sé slík ábyrgðarveiting liður í sameiginlegri ákvörðun meðfjórfaða um slíka fjármögnun.]³⁾

¹⁾ L. 167/2007, 85. gr. ¹⁾ L. 126/2011, 241. gr. ³⁾ L. 53/2007, 7. gr.

■ 9. gr.

□ Nýsköpunarsjóður skal halda afskriftareikning samkvæmt góðri reikningsskilavenju og eftir mati á áhættu þannig að efnahagsreikningurinn gefi á hverjum tíma sem raunhæfasta mynd af fjárhagsstöðunni. [Samhliða ákvörðunum um fjárfestingar, lán eða ábyrgðir skal ákveða framlög á afskriftareikninginn.]¹⁾ Fjárhæðirnar, sem bætt er við afskriftareikninginn, skulu í hverju tilviki samsvara þeirri áhættu sem tekin er og vera í samræmi við reglur sem ráðherra staðfestir.

□ Til verkefna sjóðsins skv. 2. gr. má ekki verja hærri upphæð en svo að afskriftir vegna verkefnanna rúmist innan ramma rekstraráætlunar. Rekstraráætlun sjóðsins skal miðast við að ekki sé gengið á [lágmarks eigið fé, sbr. 7. gr.]¹⁾

¹⁾ L. 53/2007, 8. gr.

■ 10. gr.

□ Nýsköpunarsjóði atvinnulífsins er einungis heimilt að taka skammtímalán til að jafna sveiflur í greiðslustreymi sínu. Lán má ekki taka með útgáfu og sölu á skuldabréfum og öðrum endurgreiðanlegum skuldaviðurkenningum til almennings. [Nýsköpunarsjóði er heimilt að gera afleiðusamninga til að verjast gengisáhættu.]¹⁾

□ ...¹⁾

¹⁾ L. 53/2007, 9. gr.

II. kafli. Tryggingardeild útflutningslána.

■ 11. gr.

□ [Auk þeirrar starfsemi sem lýst er í I. kafla skal við Nýsköpunarsjóð starfrækt deild er nefnist tryggingardeild útflutnings.

□ Hlutverk tryggingardeildar útflutnings skal vera að veita tryggingar og ábyrgðir til þess að efla íslenskan útflutning vöru og þjónustu, auka íslenskar fjárfestingar erlendis, þátttöku í verklegum framkvæmdum erlendis og þátttöku í stærri verklegum framkvæmdum hérlendis. Hlutverk sitt rækir tryggingardeild útflutnings með því að:

1. taka að sér að tryggja útflutningslán sem lánastofnun veitir útflytjanda eða kaupanda, enda hafi lánið verið veitt til fjármögnunar í tengslum við íslenskan útflutning á vöru eða þjónustu,

2. taka að sér að ábyrgjast eða tryggja ábyrgðir vegna samnings á milli útflytjanda og kaupanda sem gerður hefur verið vegna íslensks útflutnings á vöru eða þjónustu,

3. taka að sér að ábyrgjast eða tryggja ábyrgð fyrir efnudum á þjónustu- eða verksamningi sem gerður er vegna íslensks útflutnings á vöru eða þjónustu,

4. gefa út verkábyrgðir eða tryggja verkábyrgð innlends aðila vegna framkvæmdar sem fer að umfangi yfir þau viðmiðunarmörk sem gerir opinberar framkvæmdir útboðsskyldar á Evrópska efnahagssvæðinu,

5. tryggja fjárfestingar innlends fjárfestis erlendis vegna stjórnmalalegrar áhættu,

6. tryggja búnað, sem innlendir aðili flytur á erlenda grundu í tengslum við verkefni þar, vegna stjórnmalalegrar áhættu,

7. gefa út annars konar ábyrgð eða tryggingu en að framán greinir, enda falli hún undir hlutverk tryggingardeildar útflutnings.

□ Heimildir tryggingardeildar útflutnings til að veita ábyrgð eða tryggingu takmarkast af skuldbindingum Íslands samkvæmt samningnum um Evrópska efnahagssvæðið og skal deildin að jafnaði hvorki veita ábyrgð né tryggingu vegna viðskiptalegrar eða stjórnmalalegrar áhættu til skemmri tíma

en tveggja ára í viðskiptum við aðila sem hafa staðfestu í ríkjum Evrópska efnahagssvæðisins eða öðrum ríkjum sem eru aðilar að Efnahagssamvinnu- og þróunarstofnuninni (OECD) og tilgreind eru í starfsreglum stjórnarnefndarinnar, sbr. 3. mgr. 13. gr.]¹⁾

□ Með stjórn deildarinnar fer sérstök stjórnarnefnd sem í eiga sæti fimm menn. [Þar af skal einn maður tilnefndur af stjórn Nýsköpunarsjóðs sitja í nefndinni og fulltrúi ráðherra ásamt fulltrúum þeirra ráðherra er fara með fjárreiður ríkisins, nýsköpun og þróun í sjávarútvegi og útflutningsverslun.]²⁾ Framkvæmdastjóri Nýsköpunarsjóðs fer með daglegan rekstur deildarinnar.

□ Tryggingardeild útflutningslána tekur við eignum og skuldbindingum tryggingardeildar útflutningslána sem starfrækt er samkvæmt lögum nr. 76/1987,³⁾ um Íðnlánasjóð, og er stofnfé hinnar nýju deildar ekki hluti af stofnfé sjóðsins skv. 1. mgr. 7. gr.

¹⁾ L. 143/2002, 1. gr. ²⁾ L. 126/2011, 241. gr. ³⁾ Fellt úr gildi með l. 60/1997.

■ 12. gr.

□ [Stjórnarnefnd tryggingardeildar útflutnings ákveður iðgjöld og tryggingarhlutföll deildarinnar en þau skulu háð samþykki [þess ráðherra er fer með fjárreiður ríkisins].¹⁾ Við ákvörðun þeirra skal miðað við að þau standi undir rekstri deildarinnar, greiðslu tjónabóta og myndunar varasjóðs þannig að starfsemi standi undir sér til lengri tíma litid. Starfsemi deildarinnar skal haldið aðgreindri í bókhaldi og reikningum sjóðsins.]²⁾

□ Tekjuafgangur leggst í sérstakan varasjóð og skal honum varið til greiðslu tjónabóta. Nægi fé deildarinnar, þar með talinn varasjóður, ekki til greiðslu tjónabóta skal greiða það sem á vantar úr Ríkisábyrgðasjóði.

□ Ríkissjóður ábyrgist að öðru leyti skuldbindingar deildarinnar.

¹⁾ L. 126/2011, 241. gr. ²⁾ L. 143/2002, 2. gr.

■ 13. gr.

□ Greiðsluskilmálar lána, sem tryggingardeild útflutningslána tryggir, skulu vera í samræmi við almennar viðskiptavenjur hér á landi sem erlendis með hliðsjón af vörugerð, eðli þjónustu, markaðsaðstæðum og öðru sem máli skiptir.

□ [Heildarskuldbindingar tryggingardeildar útflutnings vegna trygginga og ábyrgða skv. 11. gr. mega aldrei nema hærri fjárhæð en jafnvirði 130 millj. sérstakra dráttarréttinda (SDR).]¹⁾

□ Stjórnarnefnd tryggingardeildar setur deildinni nánari starfsreglur²⁾ sem háðar skulu samþykki [þess ráðherra er fer með fjárreiður ríkisins].³⁾

¹⁾ L. 143/2002, 3. gr. ²⁾ Rgl. 988/2006. ³⁾ L. 126/2011, 241. gr.

III. kafli. Endurskoðun, eftirlit, gildistaka o.fl.

■ 14. gr.

□ Stjórn Nýsköpunarsjóðs skal semja ársreikning fyrir hvert reikningsár í samræmi við ákvæði laga nr. 144/1994, um ársreikninga. [Ársreikningi skal fylgja skrá yfir hlutafjárkaup Nýsköpunarsjóðs, þátttöku í samlagssjóðum og samlagshlutafélögum, lán og ábyrgðir.]¹⁾

□ Ársreikningur Nýsköpunarsjóðs skal endurskoðaður af Ríkisendurskoðun.

¹⁾ L. 53/2007, 10. gr.

■ [15. gr.]¹⁾

□ Stjórnendur Nýsköpunarsjóðs og aðrir þeir sem vinna fyrir sjóðinn eru bundnir þagnarskyldu um atriði sem þeir fá vitneskju um í starfi sínu og leynt skulu fara samkvæmt

lögum, fyrirmælum yfirboðara eða eðli máls. Þagnarskyldan helst þótt látið sé af starfi.

¹⁾ L. 53/2007, 11. gr.

■ [16. gr.]¹⁾

□ Nýsköpunarsjóður er undanþeginn tekjuskatti . . . ²⁾ Lán sem sjóðurinn tekur eða veitir eru undanþegin stimpilgjaldi.

¹⁾ L. 53/2007, 11. gr. ²⁾ L. 129/2004, 121. gr.

■ [17. gr.]¹⁾

□ Ráðherra setur í reglugerð²⁾ nánari ákvæði um framkvæmd laganna.

¹⁾ L. 53/2007, 11. gr. ²⁾ Rg. 451/2009, sbr. 393/2013.

■ [18. gr.]¹⁾

□ Lög þessi öðlast þegar gildi. Nýsköpunarsjóður skal taka til starfa 1. janúar 1998. . . .

□ Allur kostnaður af stofnun Nýsköpunarsjóðs atvinnulífsins greiðist af honum.

¹⁾ L. 53/2007, 12. gr.

■ Ákvæði til bráðabirgða.

□ . . .

□ . . .

□ Nú tekur maður, sem áður gegndi starfi hjá Fiskveiðasjóði Íslands, Iðnlánasjóði og Iðnþróunarsjóði, við starfi hjá Nýsköpunarsjóði og skal hann þá njóta sömu réttinda og hann hafði samkvæmt kjarasamningum og/eða ráðningarsamningum. Réttur hans til launa hjá Fiskveiðasjóði Íslands, Iðnlánasjóði eða Iðnþróunarsjóði fellur niður er hann tekur við starfinu.

□ Nýsköpunarsjóður yfirtekur lífeyrisskuldbindingar vegna starfsmanna Fiskveiðasjóðs, Iðnlánasjóðs og Iðnþróunarsjóðs sem taka við starfi í sjóðnum.

□ . . . ¹⁾

¹⁾ L. 32/1999, 3. gr.